

東流縣志卷之二十

安徽池州府東流縣知縣吳簾修

鄉賢傳

明

江得唐豐上鄉人永樂中由貢選授御史以剛直稱遷

按察司僉事卒祀鄉賢

江南通志載  
宦績府志同

周昌維新鄉人幼穎異博覽羣書為文援筆立就時人

稱之曰周一掃蓋言其速也景泰四年舉於鄉任荊州

府通判為政有清白聲士民頌之卒祀鄉賢

府志載  
文苑

宋邦輔字子相正德元年貢入太學嘉靖五年由進士

東流縣志

卷之二十

鄉賢傳

一

授行人擢監御史

又任山西巡鹽御史見山西通志

嘉靖十一年冬彗

星見詔求直言御史華亭馮恩備指大臣賢否而極論

張孚敬方獻夫汪鉉之奸帝怒逮恩究主使榜掠瀕死

無所指惟言御史宋邦輔嘗過南京談及朝政遂并逮

邦輔獄具落職歸躬耕養親妻操井日子給樵牧歲時

與田夫會飲醉即作歌相和高風動遠邇士大夫造其

門者屏輿從而後入卒祀鄉賢

見明史馮恩傳府志同  
江南通志入孝義傳舊

志以為因諫大禮  
坐馮恩黨落職井

王應乾字懷惺維新鄉人嘉靖中貢入南雍隆慶四年

舉於鄉五年成進士授中書舍人行取監察御史以與

張江陵不合轉外爲湖廣按察司僉事分巡長沙平洞蠻有功遷山東巡道歷江西河南藩臬遷浙江右布政使任滿遷湖廣左布政使凡歷九任咸著清勤居鄉尤善至今人慕之卒祀鄉賢

江南通志載宦績府志同以上舊志

國朝

李承祚字蔭餘城內人乾隆十二年中式本省鄉試守程朱之學言行爲邑矜式乾隆三十七年大挑一等分發福建任壽寧縣知縣居官一如居鄉清白之聲至今傳頌

吳麟澤字淑五一字天膏號障川晉陽鄉人雍正元年東流縣志

卷之二十

鄉賢傳

二

拔貢性穎異爲文深入漢唐弱冠見知於大宗伯吳文簡公引爲門下士生平務守宋儒語錄律已以嚴接人以恕又好獎借後進一時奉爲矜式

府志載文苑

吳麟占字孔武晉陽鄉人雍正十三年拔貢性至孝能文經史百家莫不貫誦爲人務悖實行動合於禮有以非禮屈之勃然作色勿顧也好獎借士類遊其門者無勿悅服

汪思邇字金門晉陽鄉人乾隆六年拔貢考取國子監正黃旂教習選寶應縣教諭未及之任而卒爲人易直慈良爲文宏通淵博有請業者無不告之且詳一時嘗

道重其人又重其文延請質疑者道相望也所著有周易質義四書質義四書觀義增訂周易尚書春秋詩經四書存說春秋集解及歷代帝王紀要尅擇晶元古文質義河防曲臺存說有吾堂詩文集地理薪傳凡百餘

卷

府志載  
文苑

檀振大唐豐上鄉人乾隆十三年歲貢純于持已工于屬文任五河縣教諭士子無不悅服蓋其爲教實能先率以身故遊其門者多成材焉

周揚烈字含粹維新鄉人乾隆十八年授貢質行不苟望重名教乾隆二十三年知縣蔣綬纂修邑志令邑人

東流縣志

卷之二十

鄉賢傳

三

公舉有品學者咸稱揚烈無異詞

章雲集字作霖維新鄉人增廣生品行純潔學問淵雅平居惟以造就後學爲任出其門者多克有成至今稱之皆以爲持已接物未易及也

陳肇彩字華羽唐豐下鄉人乾隆三十九年歲貢持躬不苟講學論道務得其原言行必合之古人有不合勿行也四方聞其名者咸來就教罔弗敬服

東流縣志卷之二十